

又

性正出言直心偏口自訛正邪皆自定議論復如何

又

心平憎愛少意曲是非多逐惡沉幽境歸真潛大羅

又

降心知罪福縱性屬邪魔上上塵情少愚人嗜慾多

又

好辯機關惡無爭滋味長欺謾成地獄平等是天堂

又

有欲般般着無情事事休明心知道妙見性悟真修

道藏輯要

葆光集

三

胃集十

又

寂寂元無染迷迷自有情悟來絕四象覺後現三清

又

般般心地濁句句話頭清得勢欺人重失時禍不輕

又

澄神知道大絕慮覺身空了見元初妙慧光無不通

又

三田丹寶實四海自馳名吾道千年遇先師萬里行

題山水石硯屏

妙有神通化虛無含至靈能知天地始元氣自分形

因魔示眾

逢魔無動念臨事易安心叮囑門中士再三惜寸陰

又

天魔難改節人事易勞心叮囑門中士再三惜寸陰

又

因魔成實德遇境見真心叮囑門中士再三惜寸陰

又

卻魔憑有慧滅我用無心叮囑門中士再三惜寸陰

又

千魔無濁行百鍊盡凡心叮囑門中士再三惜寸陰

道藏輯要

葆光集

三

X 48 三

胃集十

五華山寄王子正三絕

未尋三島約且喜五華春雖則近人世幸然已出塵

又

暮年知短景度日謝長春訓我離三毒應當出六塵

又

五華觀不足四季盡如春終日翛然坐卻無一點塵

古調詩

同道友遊大山寺

山重疊河灣環道友邀予上大山山上雪庵三兩間坐中無箇
不開顏

乙未清明過晉祠

今太原古太原今古相參事杳然唯有晉祠廟前水湛湛清流
不記年

食豆粥寄燕京道眾

苦苣菜軟菜豆粥薄二味從來偏愛一真永得安樂食罷後四
大沖和飽足時六神踴躍老來得這些受用把世間事都盡忘
卻

語錄

示門人天真道人

全真之教專於性命道德之妙今之學者多不參同予從得道

道藏輯要

葆光集

完

胃集十
川上上

之士邱劉譚馬三十年間口傳心受妙語玄言日用罪福何啻
千萬雖是達理真功實行常虧難以超凡入聖耳今隴西公出
家年深斯者不期而會堅求予平昔所得師真之微言以爲已
用兼誨後學不得已畧書數端耳大道者本不遠人奈人自遠
之耳人知道釋性命爲一者多矣差別者亦多矣不知行持本
有妙性都無眷處慧命相資助一性真定入大無礙法門混而
爲真一永超生滅得靈通自在目前有驗是爲妙道也如學人
堅固行持未至於了達乃宿功有闕也至如一志盡死不墮者
再出頭便是通達之人聖賢不肯放過輕提挈則心地便開通
道不爲難矣師言要明萬法又要不着萬法既不着萬法是諸

法空相也着法者是執指也不着法者知指處也既知指處是謂諸法皆空也以此明白便是箇無拘自在希言保命之人更加物上施爲能轉換決斷慷慨不染不着內外融通積功累行朝夕於是至如便不飛昇做得箇超羣拔俗有見識好漢遇觸處無心假使聰明快言語底人道他不着難爲指點也欲要前程未死之間不可虛度時光寸陰可惜既爲學道之人須要參到箇實際處於師友教誨不可日闕雖自己通明亦當切磋行持以至於見效耳以此方可獨立而不改周行而不殆今略書數事皆得道之人微言教誨於予伏願同志者共行超於彼岸耳

道藏輯要

葆光集

四

胃集十
又四

直言

示重陽宮祐德觀道眾

祖庭因緣非小補耳不同他處此乃是上天容許眾聖闡化教門基業之地既在門下者重興修建須憑真實行用志誠心遇魔阻不生退怠一志積功累行方可消得此箇地面道人會意積功一分比他處十倍如作業亦然若功業大則非要我知惟望眾聖知之如動得眾聖真差遣我前去親自點勘汝等勞心請求望我前去若積功者少造罪者多一朝禍至非小事也今者人回以真實之語布告重陽宮祐德觀道眾各合通知耳伏望有志道人再三詳審前件語言於汝等深有益汝等休疑

或便當誠心下手不可遲慢眾真必無虛負汝處

七言絕句

重陽將近袁真人會五華觀詩贈之

五華雖則三春秀莫比閑遊九月來萬木凋爛山似錦羣仙聚會小蓬萊

寄段真卿諸公

萬朵金蓮同結實五華秋暮正當時重陽嘉會人難遇報與雲朋早要知

答王子正

休心何必更休書見盡情忘復太初觀透經中無礙處自然心

道藏輯要

祿光集

聖

四胃集十

地便清虛

詞

西江月

秋陽觀作

我愛秋陽地僻松巖來往人稀不勞打坐自忘機兀兀陶陶似醉坐上有山有水心閒無是非朝朝常見白雲飛可以留連適意

又

我愛西巖氣勢連山帶土豐肥青松綠柳嫩依依更有名花異卉春水涓涓聲細秋陽燁燁光輝此中不用上天梯便是仙

家景致

又

我愛秋陽道眾人謙讓溫和終朝豁暢恣高歌日用不分彼

我福地安居自在松間閑步煙蘿先人後已行功多永沒非

災橫禍

又

我愛西巖秀麗仙園地發三陽山形曲屈卧龍岡只此人間天

上雲舍茅庵掩映仙花異果馨香市朝客到見清涼舉手應

須瞻仰

又

道藏輯要

葆光集

聖

胃集十
川上二川

我愛秋陽天氣一指雲路無迷何勞身外覓曹溪了見三身四

智莫問天機深遠休尋大道無爲目前認得這些兒便是全

真苗裔

龍陽觀冬至作

月魄光通四海龍陽氣滿三田一聲雷動振山川迸出飛光閃

電法雨常加有道慈雲廣布無邊此時方顯太平年遂我一

生本願

又

天上仙無懵懂人間性有頑愚門中有幸看經書法性堂堂開

悟達理真明妙有觀空體合虛無慧通靈寶證元初誰解無

文不度

又

進道須憑篤志收心慎勿狂遊聽子苦口勸同流莫待因循皓
首綠髮朱顏易改青春白晝難留爭如速悟便回頭認取忠
言善誘

又

山後重興道院燕南仍自干戈道人功行累來多免卻非災橫
禍每日誦經報國終朝念道降魔福生禍滅養沖和真靜真
清證果

時在天長正當大暑歸山後恰值三秋因事而作

道藏輯要

葆光集

墨

胃集十
四三

九夏天長暑熱三秋山後清涼一川禾黍正蒼蒼了見西成有
望論甚天涯海角儘他關外山荒目前無事即仙鄉且恁隨
緣豁暢

又

莫羨喧譁京市休辭淡薄山家猿啼鶴唳興還加心地清涼無
價夜半清風皓月曉觀綠檜雪霞蓬頭了髮做生涯堪向幽
幌圖畫

又

窓外橫山入畫門前流水堪聽洞天幽處少人行不是塵寰路
徑占得靜中風月卻迴闌裏人情湛然六識自安甯一任閑

歌閑詠

又

月裏金烏報曉日中玉兔方眠誰知萬法倒顛顛此理非深非淺認得元初這箇須明無事真禪人人有分性周圍只為使他不轉

又

淺見有知有識深通無悟無迷了然頓覺入希夷此是男兒正智達道豈離方寸明心何在天西終朝閑坐終尋思裂轉機關便是

又

道藏輯要

葆光集

留

胃集十
川上二八

有欲難超老病無情易變童顏虛心實腹六神安步步清涼彼岸九載能除四相十年決到三山蓬壺閬苑恣遊閑免卻人間流轉

贈田道人

動處休將性動靜中莫使心疑目前端正沒關機真靜真清便是氣滿三田自實神通入脈方知了然頓覺入無為到處安心穩地

贈萬蓮會眾

事事諳來心足般般捨去身輕本初一點要圓成妙語玄言堪聽縱意不知有我收心自覺無明無明滅盡絕塵情便是識

心見性

入西山路

石徑雲梯路險攀蘿攬葛難行洞天深處水山明遠卻塵寰視
聽土洞安眠穩坐松巖耳靜心清不須更羨許由各便是超
凡入聖

又

非愛青山綠水惟圖隱跡埋名蠹衣糲食絕人情養就元初本
柄氣結神凝久視虛心實腹長生一朝功滿現三清此是男
兒正性

勸眾減睡

道藏輯要

葆光集

星

胃集十

夏日勤修寶殿冬天好鍊頑心三更不縱睡魔侵便是先生戒
禁學道休迷妄想修真莫失叢林無為功滿恣歌吟自在高
眠穩枕

常足暢懷

盡日觀山玩水終朝常足心休老來佚樂更何求保我陽生九
九幸得為人通道道中別有歸投功成雲步看瀛洲萬古名
傳不朽

贈張先生

日用竈頭然火時教突裏亡烟始終如一志精專也勝往來打
轉放下紛紛塵事明通朗朗玄言一朝功到性靈圓便是蓬

萊中選

寄京師道友

只爲功虧行闕故教不免東西自從別後二年期路轉風塵萬里
詞寄燕山道眾聽予至囑休疑外緣雖幹內忘機免卻前
頭懊悔

又

人事雖然久厭道家爭忍空歸不因勤苦到關西焉得重陽慶
會說與門中志士祖庭已見根基終南山色古今奇老者堪
爲久計

贈儒士王子正

道藏輯要

葆光集

巽

川集十

本性元虛不二奈何情慾交加人能頓悟道生涯世態分明是
假更要深通玄奧須當拂去矜誇含光默默養靈芽便是無
爲造化

巫山一段雲

秋陽觀作

十九遊仙子隨師歷八荒西臨回紇大城隍到處見農桑一
種靈瓜甚美赤縣幾人知味大千沙界有多般鶴駕復東還

又

塞北三年轉天西萬里迴飄飄雲駕漸東來無不笑顏開道
德崢嶸功大行滿決超三界十方仙子行功圓得見太平年

又

太上臨關日吾宗受道時七雄戈戟鬪相持何處起慈悲
直至西天行化大教普聞天下古今今古類皆同方顯道家風

又

北海修真士西巖放曠人別師迢遞過關津物外不沾塵
學道須憑決烈一片真心如鐵九年功滿步雲霞三島是吾家

又

性燭通天眼心燈放慧光湛然靈物自真常無處不圓方
住世榮華不戀舉措常行方便一朝功滿化雲歸獨步赴瑤池

寄天長道眾

道藏輯要

葆光集

聖

胃集十
川川文

山後春將暮龍陽景漸佳東園芭欖正開花隨分有生涯
道友堅心長久相見時時稽首自然恬淡日和平物外有餘清

攜杖上禪房山

自在三山客逍遙四海客孤身到處自全真風月永為鄰
識破浮華虛假誰羨望雲星馬一條拄杖勝龍驂穩步上高岑

先天觀作

涿鹿今朝到蚩尤往日休坂泉冬夏水長流今古幾春秋
因此強兵戰勝直到而今無定一生一殺做冤讎早晚是程頭

道友堅留住冬聖地西北有缺可費千功未暇修補待春

暖可以完備因

緣故述之

我有林泉興君無補缺心一方聖境理幽深物外結知音
還到春時圓備合是全真一會功成行滿待他年攜手上雲天

龍陽觀九日

白酒寬懷抱黃花噴鼻香此般真味慶重陽性月自圓方
山後三秋無別幽檻幾叢開徹兩軒各各鬪芳鮮雅勝洞中天

勸世

道顯清虛妙釋明智慧深仲尼仁義古通今三聖一般心不
認忘名默悟只解分門別戶一朝合眼見前程悔憾不圓成

卜居西關好山萬疊河在其中曲迴上下不啻二三十里
渾水波濤兩岸桑麻映日人善地僻可爲冬焉之計自號

道藏輯要

葆光集

癸

川上上二

日養老庵以小詞寄之耳

萬疊山橫翠千盤河曲長居民安土樂農桑流水落花香卜
此安居養老一任形枯心槁不搖不動寄殘年何處覓神仙

題通仙觀

列翠峯巒秀仙都氣象清三陽端正玉齋形一氣自天成萬
疊雲山深處別是洞天幽圃何人能得久閑居清靜樂無餘

催衲襖

昨夜西風緊今朝秋意深道人雖則是降心寒暑亦難禁衲
襖宜教寬大且要書披夜蓋一衣猶恐不銷任此外更何尋

龍門川溪水同翟老賞

溪水迎霜冷山花帶露鮮良朋共賞玉蟾圓高會與無邊長
記西湖萬里素魄澄澄一體今宵相隔正三年渾似夢遊仙

贈龍虎夫人

北海功還未赤城行已周一身清靜永忘憂何處得閑愁四
十正當不感事事諳來明白樂天知命保安和真理本無多

清水作

應運開正教隨時見寶壇眾真降跡在人間却要列仙班化
度羣生無數箇箇盡教開悟一朝功滿到蓬萊劫運免三災

自詠

濕熱燕南地清涼山後天陰陽難曉倒顛顛宿業自牽纏二

道藏輯要

葆光集

咒

胃集十

載登程酷暑終日無言無語閑中功行未能圓使我志心堅

戒無明

一點光明大三千業障深勸君聞早細搜尋莫待禍來侵觸
處將身迴轉慧性能生方便這些消息汝還知便是上天梯

鳳棲梧

秋陽觀作

正教流通千載遇浮世忙忙幾箇心開悟猛省輪迴尋出路回
頭便是眞仙度行滿功成蓬島去好伴長春自在無思慮更
有奇葩千萬樹塵凡未脫誰能覩

又

世事無涯何日了爭似忘機學我歸山早山下林間常獨笑人
心未悟誰能到終日忘言人悄悄暮去朝來更沒閑煩惱惜
取眞陽身內寶不須服餌容顏好

又

問道參禪都不會境上閑遊只要心無味踏碎虛空離六對松
巖一覺和衣睡何用人前誇口快一點靈明不許纖塵蓋法
性堂堂觀自在歸根復命超三界

宣德州見請以此詞答之

山後三陽都歷遍宣德朝元不晚須相見數載師前人事倦區
區獨自隨風轉幾度天長曾發願糲食麤衣隔斷人情面富
貴榮華無意戀不如巖下成修鍊

道藏輯要

葆光集

辛

胃集十
川川川

又

巖上春光將欲暮可惜春光無計留連住春去秋來分四序一
來一去成寒暑歲計謾人人不悟得喪悲歡盡是輪迴趣我
欲留言叮囑付人心未解無生路

先天觀作

山後風光何處好上谷靈蹤自古軒轅廟湧出清流方曲繞森
森綠檜知多少雲水閑遊今日到信筆狂吟自在開懷笑萬
景難侵心合道全眞妙似圓明了

和碧虛壇詞

至道幽微何處究妄想邪思便是魔人獸欲要三田苗長秀真
常真靜真無朽五氣朝元真一湊萬語千言須候陰消六
古迷人觀不透神奇枉化爲膿殞

又

一點靈明當內究散盡羣魔趕退西山獸萬樹瓊花如錦繡長
春永占無根朽四海雲朋來往湊上下沖和漸覺陽生六一
道靈光通骨透清香換了胞囊殞

述懷

天下周遊將欲遍十載區區恐負先師願老也休休人事遠遊
山翫水隨緣轉報與知音聽我勸劫運刀兵箇箇都親見仍
道藏輯要 葆光集 至 胃集十
自貪求生愛戀前頭路險如何免

太平興國觀作

占跡琳宮堪作計檜柏青青宛有長春氣直待功圓方濟會無
心默默符天意幸得安然清靜地終日逍遙方寸無縈繫老
大不堪心自退紛紛世事何時已

先師昔日屢言燕山天下最勝之地當是時果葬於斯以
小詞記其意耳

天下風光何處好山海潛通無比燕中道四海雲朋來往繞先
師默悟知還到既入玄門須悟早誰解修真此事非草草天
意分明容起廟燕山千里來懷抱

臨江仙

朝元觀請以詞許之

白別都門人事少
心頭不掛微塵閑
歌閑詠默頤神有中皆妄
想無內卻全真
取性逍遙雲水客
無情淡泊閑人隨緣安樂
絕疎親三陽將欲遍
五氣自朝元

袁夫人住沙漠十年後出家回都作詞以贈之

十載飽諳沙漠景
一朝復到都門如今一想一傷魂
休看蘇武傳莫說漢昭君
過去未來都撥置
真師幸遇長春知君道念
日添新皇天竇負德后土豈虧人

西山靜坐

葆光集

至 川集十

道藏輯要

靜坐西山深有益
等閑人事稀
逢終朝飯飽恣疎慵
養成清靜體化出主六公
三十年來都亂覓
如今認證真容
狂情滅盡法皆空
本來無一事
爲恁費千功

又

本是一般孤另物
被他染着難知迷
雲消散慧風吹
何勞身外覓
端坐是天西
萬語千言終未悟
悟來一字成非
竿頭進步勿生疑
般般都撒手
種種自皆離

又

參透全真清靜法
何勞相上經
求好於此處
覓蹤由真生迷執
見休要不迴頭
真性如何能寂滅
真空空外閑
搜其中無然

認真修隨機常寂定應物自圓周

示眾

目對千差無可取心閑一境堪憑真常不昧谷神清羣魔從此滅一點自圓成物外清吟唯獨樂人間寵辱何驚勸君速悟問前程要求真實相休論假聰明

李行省請予往山東葬三師燕京道眾并士庶皆不許感懷

一別淮陽過十載天涯歷遍西戎歸來燕國任仙宮立言明祖教演法繼師蹤天意如何非易測人情到了難窮予心本自愛疎慵卻教居海北未許過山東

道藏輯要

葆光集

五

胃集十
川川八

偶得

談妙談玄人易悟真清真靜難依人間世事不堪爲十方明眼漢學我沒操持既悟滄風須返樸終朝樸實相隨含光默默外如癡心明如朗月性靜合刀圭

又

有相有中容易覓無爲無處難爲終朝作伴影相隨愚人尋不見達者已先知此理勤參搜獲正一條入路無迷勸君速悟莫遲疑常常忘視聽步步入希夷

五華山佳夏時有道眾見以詞贈之

數載崎嶇天下遍而今幸遇林泉飢來喫飯困來眠離城幾一

舍別是小壺天 坐上水山俱秀發池中開滿青蓮老來功行
卒難全未能三島去先作五華仙

無俗念

龍陽觀道眾索

了心一法越三乘妙體果離生滅萬事知空非可取慧性輝輝
通徹靜裏乾坤閑中日月堪對知音說家山還到自有無限風
月 一點無相真如澄澄湛湛內外難分別要會玄元端的處
無縱迷情乖劣勤論幽微頻修祕密參透天機訣此時不了更
待何日休歇

又

道藏輯要

葆光集

番

胃集十
川 88

參差萬有盡鴻濛一氣生成無極擾擾羣情皆有我寂寂真空
非得有內尋無無中覓有誰是知消息高真方便唱出玄妙端
的 此箇隱奧門風須憑智慧清靜開胸臆了見元初真面目
豈羨浮華顏色身寄人間各收仙籍不許纖塵惑神思不動自
來天地難測

又

冬寒夏暑共春花秋月年年無別唯有形容朝暮改不覺催生
促滅萬劫昏迷一時開悟好把心休歇纖塵不望本來一點明
徹 閑對龜鶴松峯林泉幽圃自在開懷悅行滿功圓朝上會
方顯男兒英傑此理非深玄機不遠未悟難分說人間誰解暗

中虛度年月

又

天涯海角任縱橫到處一身閑拓世事知空風過耳別有些兒
歡樂玉鼎烹煎金爐滾沸鍊就丹砂藥服之歸去化身空外飛
躍是則仙道之微凡塵脫去便得同期約達理通真功德備
豈在幽居巖壑四相消磨三彭遁匿自是人情薄全真正教正
大心地無錯

繼人韻

同塵混跡悟玄元奧旨深窮莊列會集雲朋扶正教相繼先師
無別外貌憨憨內容整整果是如愚拙門清戶靜自然顯出高
道藏輯要
葆光集
卷五
胃集十
潔長春境界無邊清涼永占處處堪休歇物外壺天清絕處
遊戲白雲金闕身寄塵寰性通天外萬事難縈惹六根不動便
是無生無滅

大安山棲雲觀中秋賞月

大安高絕正風清氣爽中秋時節霞友雲朋方聚會共賞山頭
明月照徹千峯明通萬壑坐覺心歡悅神清骨冷永超人世生
滅看盡此夕風光空勞筆舌妙景如何說普照千門皆可玩
不似棲雲高潔小院巖前大寒嶺畔髣髴天相接坐中默想此
間堪可棲跡

通仙觀作

通仙地僻向西山深處倚雲棲跡俯視峯巒千萬疊隔斷紅塵
消息閑步烟蘿靜吟風月此事何人識修真上士更於何處尋
寬一帶無盡山川洞天幽圃自有神仙域名利相纏誰得到
難伴清虛閑客碧洞高眠清巖穩坐豈羨王侯宅我來幾度此
中留意冬日

論性

騰今跨古這靈明覺性本無虧少箇箇圓成誰肯認逐境迷迷
顛倒萬種施爲千般做造都向心頭了些兒玄妙問君何日知
道不入無相玄門浮名難捨貪看閑花草口解清談心未悟
不覺輪迴來到好契真機驚迴幻夢自在遊三島長生有分永

道藏輯要

葆光集

美

胃集十
川上

超人世衰老

江城子

和蒼蓋郭秀才韻

乘車坐馬走東西論玄規入幽微天下崢嶸隨分立楷梯吾教
流通天地祐無不喜盡歸依其中消息與誰期解忘機識無
爲霞友雲朋心地要平夷抱樸全真明日用神燦燦性輝輝

龍陽觀冬至作

六陰消盡一陽生暗藏萌雪花輕九九巖凝河海結層冰二氣
周流無所住陽數化龍昇歸根復命性靈明過天庭入無形
形返復天機昇降月華清奪得乾坤真造化功行滿赴蓬瀛

又

道人活計日開顏性多寬六神安晦跡翳光無事到心間養就
百初靈底物名利客不如閑 人生能有幾多歡老摧殘死生
關六道輪迴來往苦艱難好認吾門親至道情慾斷出塵寰

又

法光普照道門昌出天長入龍陽寶殿圓成朝暮熱心香霞友
雲朋休外覓心地穩是天堂 燕南河北好悲傷正窮荒受風
霜劫運推移何日到仙鄉誰解閑居山後意灑灑秀小蓬莊

詠臘雪

瓊花繚亂玉塵飛滿長隄擁柴扉暖焙窗明安用繡簾幃夜靜

道藏輯要

葆光集

卷

胃集十
川三

雲收銀鑑滿看雪月鬪光輝 季冬真瑞古今奇助寒威顯豐
期感動詩人魂魄入希夷謝女多才吟不盡留與俺道人知

西山之通仙觀卜以重陽作醮前數日北風嚴惡天氣昏
暝小雪微作眾意憂惶八日發牒之後俄爾開霽兩晝夜
畢十日陰雪復作萬口一辭讚歎希有勝緣因作一詞以

記其實

重陽佳節醮西山暮天寒葉斑斕和氣滿川無箇不開顏滯魄
孤魂皆受度功德備出幽關 河清谷靜氣閑閑寸心寬保全
安白酒黃花高會列仙壇共慶吾門祖師祐眾真喜萬人歡
庚寅年通仙觀醮罷復迴不遂本願以詞別道友眾信士

玉河別後出西山曉霜寒過重關書疏相邀須索赴清壇度死
超生雖好事年已暮鬢成斑 修真未就積功難鍊心寬悟真
閑造化功夫都在片時間幹轉玄機全至德無可欲列仙班

別樊山先天觀道友

先天欲別意沉吟就清陰散幽襟酷暑全無蚊蚋不相侵清靜
安居堪久計住一日勝千金 此方道友果堅心日相尋演清
音訪道崇真通古更明今九夏待予無以報臨去也贈荒吟

仲冬

龍祥蹤跡古仙壇水連山徑彎環玉殿朱門高聳白雲間疑是
蓬宮臨白漱真福地可開顏 仲冬遊歷苦無寒道人攢予心

道藏輯要

葆光集

夷

胃集十

歡看盡三峯別後兩閑閑何日復來臨下笑散後易聚時難

方壺過冬

嚴冬共喜小方壺稱幽居論元初話到三更皆似覺清虛萬事
有心求不得憑象罔獲玄珠 一言了了性如如樂無爲駕雲
車朝拜高真功滿赴仙都速悟人人俱有分聽予勸莫癡愚

義州作

紛紛世夢暫無安蟻循環少開顏悟道修真要脫死生關認得
元初無一物除妄想斷高攀 老來佚樂正宜閑罷輪竿釣舟
還物外清遊歷遍古仙壇更待東君傳信息度遼水看閭山

又

修行還悟宿根深得知音便明心十二時中外境不能侵保命
全真無別用好容易不難尋 一時勘破古通今信閑吟翫遙
岑海角天涯都是好叢林繼祖承宗行教化高天爵受人欽

榆次縣真常觀作

真常應物要方圓且隨緣行功全眼正心明認得化工權日用
無私當直養浩氣滿現胎仙 一時慶會興無邊透重玄永綿
綿照徹人間幻境豈能堅便約故園堪久計觀八水翫三川

沁州神霄宮賞月

素光皎潔暮天晴十分明稱幽情賞翫隨時高會盡雲朋今夜
澄澄垂普照無此夕得和平 碧空如水月盈盈性珠停保長

道藏輯要

葆光集

堯

胃集十
川

生四海清通何處不圓成更謝高明恩德重臨萬國教門興

無夢令

龍陽觀春分其間作

道友三冬鍊睡鍊做陳搏苗裔咫尺過新春晝夜須當加瑞加
瑞加瑞點點直教着地

又

春日龍陽春睡悟得春光真意紅日正三竿卻被春風驚起驚
起驚起萬事一場春寐

又

閑把心香暗爇三界十方通徹四海遍天涯都是全真枝葉枝

葉枝葉撞透清宵明月

又

我向幽窻守拙勘破春光秋月得意便歸來好把身心休歇休
歇休歇鍛成一爐春雪

又

說破勞生如夢箇箇昏迷虛夢默地悟心開達了真通清夢清
夢清夢誰信真人無夢

道無情

時在龍陽觀東川秋陽來請丙戌元宵後臨行以詞別之
每夜三更問話說破人情虛假箇箇悟真宗道心通 要望秋

道藏輯要

葆光集

李

胃集十
三二

陽迴意莫縱高眠春睡指日復歸來笑顏開

又

不避春風迢遞來往默通真意那箇是吾家信天涯 本性玄
通無托到處一身安樂了了沒西東住雲峯

又

身逐東川道友有容西山專候真意是如何囉唵囉 七十古
來稀少今我六旬還到浮世不堅牢醉陶陶

秋陽觀作答宣德州道友請

深謝將書來請纔到西巖春令百鳥正喧呼樂無餘 道眾滿
川和氣醮罷更看天意緣契合虛空任西東

又

但願身安心靜誰羨往來迎請正教滿天涯過流沙 師意真
慈普度能使羣生開悟積行要無邊性方圓

別西山道友

行遍天涯海角未似西山心樂興盡復東還鬢多斑 彼此年
過耳順別後有何憑准唯願各心休永無憂

又

三老共全清福終日遊山不足坐臥白雲中看青峯 飯罷東
坡石上談笑開懷豁暢妙景可忘憂對清流

別蔚州道眾

道藏輯要

葆光集

空

胃集十
川文

十月蔚羅行化去送來迎車馬和氣滿山川教風傳 別後何
時再遇唯願各心開悟功積要三千化靈仙

又

九九巖凝冰結山後朔風凜冽西去意如何囉唻囉 道友一
聲珍重慎勿使他心動志氣要平和道無魔

又

隨處道人道友勿使人情濃厚凡百在平常少災殃 別後應
當西邁接待往來甯耐他日要相參望終南

懷仁縣作

我愛懷仁冬月炕暖窻明堪歇天意不教閑過南山 東去西

來非願海角天涯將遍道果尚難成又登程

老年退居沁郡奉詔還燕京大長春宮

十月小春時令萬物歸根安靜獨我水雲間過東山 直指古
燕無定老也敢違天命迴首望終南再來參

依韻別沁州長官杜師

未達難通天令誰解動中生靜道在有無間隔千山 去住絕
疑心定任運逍遙隨命終日不迷南更何參

減字木蘭花

秋陽觀作勸世

堆金積玉日日慳貪心未足足上何求直待荒郊臥土邱 迴

道藏輯要

葆光集

奎

胃集十
川川

頭有路爭奈愚人迷不悟若悟迴頭免了前程無限愁

又

勞生喪命誰解衣食皆分定資慾貪癡積業如山猶不知一
朝有報鐵膽銅心人也懊受罪無休憾不當時聞早修

又

頑愚不省禍福還如身逐影劫運天災都是人人心上來 若
明此理視物應當同自己了見天真善惡臨時全在人

又

損人利己貪愛欺瞞何日已害眾成家富貴人前仍自誇 陰
公暗記死上頭來誰肯替天道無私報應分明各有時

又

天堂豈遠舉世迷人尋不見地獄非親無限眾生塞斷門
明上土幸得爲人勤發志志在心平片善無遺道自成

縉山川有三觀皆有陽字此間往來故云三陽道士

三陽道士坐對雲峯談不二萬法如通盡在忘機冷笑中
無明實性此理難詮如何證要證元初認取高空秋月孤

秋陽道友見過

金波玉液除卻嬌川無處覓玉液金波一飲能教五氣和
還丹大藥服了令人常快樂大藥還丹福薄眾生要見難

一道士出示杜甫遊春詩卷

道藏輯要

葆光集

奎

四集十
川又川

遊春暢飲萬物熙熙花似錦暢飲遊春迷了從來多少人
儒流道士幾箇能通天外志道士儒流誰肯忘情言下休

示眾

年深學道雖未通靈神氣好學道年深萬景叢中無物侵
同流聽勸薄利虛名深可遠聽勸同流放下諸緣宜速修

又

身心裂轉便是元初真日面裂轉身心一志如山超古今
些兒若悟免卻波波來與去若悟些兒萬劫希逢此一時

又

同塵混世誰解忘言如酒醉混世同塵落魄逍遙甘分貧
靈

源不昧勝積無涯真寶貝不昧靈源一氣清成要上天

贈龍虎夫人

昏昏默默世智聰明孰可測默默昏昏無欲能開眾妙門
全真抱樸無慮無思無做作抱樸全真入聖超凡只在人

西山作

修真近俗初地難當心境熟近俗修真誰是居塵不染塵
林泉恣興便是修真無可證恣興林泉且作逍遙陸地仙

又

安禪聚落難免區區閑把捉聚落安禪佛祖常憂恐落綠
山林縱臥無慮無思真快樂縱臥山林一點靈光無物侵

道藏輯要

葆光集

畝

胃集十
川明人

贈燕京萬運會眾

迴頭返照世事無窮堪失笑返照迴頭得意歸來便好休
休省也莫縱貪癡狂野馬省也休休一任年光春復秋

懷仁縣

懷仁抱義五帝三皇因此治抱義懷仁天下生靈一體親
勤參道德建國成家爲法則道德勤參更與修身作指南

西路請張道人於處順堂畫西遊記

清河畫士處順存心堪發志畫士清河早來時意若何
全真宗祖畫向白雲傳萬古宗祖全真永鎮燕山日日新

悟南柯

勸世

着假求仙果迷真覓佛心
焚香禮拜恐徒尋不斷無明空惹業
根深 苦口如良藥忠言似美金
人逢善者作知音正教依憑
萬禍不能侵

又

生日無明重死時地獄深寸陰
可惜勝黃金速悟無生上士做
知音 轉眼迷他趣迴頭認本心
功成自是出陽陰物外真閑
坦蕩賦清吟

又

莫要欺人重須防報應深羣真降世布清吟
勸化愚迷災禍免
道藏輯要 葆光集
相侵 更悟真常性勤修吉善心
長生路上聽仙音正道無疑
穩步赴瑤岑

又

莫覓他人短惟思自己長處身謙讓性和光
與物無私心地得
清涼 會滅無明火能生智慧香
何勞遠處覓天堂任運安閑
處處是仙鄉

青玉案

自遣

揚眉瞬目分明露認得元來處
清靜無爲香滿炷十方通徹遍
聞三界一任年將暮 些兒妙處堪人顧
關外棲真忘來去更

有雲霞三四侶清吟野興固窮樂道此外非他取

又

心頭遠惡常修善自得真方便至道夷然容易見目前端正是非休論堪作長生伴
玄言悟徹無分辯默默頤真內光現保養神丹成九轉化身空外六銖天賜換了如今面

又

浮華莫戀心歸道漸得通玄妙清靜功圓心地了高登彼岸清涼永占更沒閑煩惱
長春真境仙無老咫尺洞天誰能到心上塵情都一掃琳宮仙院乘風清興遊宴蓬萊島

又

道藏輯要

葆光集

矣

胃集十

羣魔散盡真何亂萬事無縈絆一點光同青玉案纖塵不掛永無障礙得見虛空面
勸君早把塵情拚下手速修轉頭晚前有風波深不淺神舟穩駕雲朋相伴笑指蘆花岸

瑞鷓鴣

與延真觀小賈師

道人起念不尋常宿業牽纏惹禍殃樸實修真方得久虛浮學道豈能長
旋生旋滅心難定不動不搖意易防早悟知常功累足恁時許爾志堅剛

詠西山

西山深處道人家養道修真何處加九夏高眠無暑氣三秋結

實有新瓜 亂山坡下宜禾黍
渾水河邊長麥麻 四季平和人
事少三飧終日是生涯

過龍泉峪

西山一帶好人煙 曲水環山若洞天
無是非無寵辱有花有果有林泉
家家奉道邀閑客 戶戶欽壇禮大仙
如此勤心行吉善 太平快樂遇豐年

示眾

論道談禪鬪捷機 朦朧合眼便昏迷
貪名競利心猶在 損己安人行豈知
益友不親賢聖遠 良朋難近虎狼隨
一朝數滿無由悔 聞早收心莫縱欺

道藏輯要

葆光集

卷

胃集十

又

爲人幸遇教門興 切莫因循著世榮
節食減眠神自爽 忘情去慾氣偏清
暫時戒慎離災苦 久遠行持出死生
奉勸高明宜省悟 聞身強健早修行

勸世

長春教法付清和 普勸高明出愛河
道德勤修天賜樂 塵情苦戀世生魔
目前放下遊真境 身後功深赴大羅
我有忠言親說破 看君聽了意如何

又

六年動作小功成 固蒂深根漸次榮
東院西宮閑客坐 南來北

往道人行 十方和氣精神爽四海同心道眼明天運玄風來
此地燕山路上好前程

南鄉子

寶玄堂偶得

本性愛疎慵不厭無名不厭窮落魄隨緣無所礙心通觀透人
間事事空 得失本來同動靜何勞問吉凶兀兀前途真自得
成功都在忘言冷笑中

贈西路道人

幸遇好良因枉惹淨名受苦辛只爲目前些子事因循趁過中
間換了身 默坐守靈根空外閑搜空外真認得巨初微妙物

道藏輯要

葆光集

矣

胃集十
八三六

堪親喚作神仙不喚人

虞美人

勸世

邇來似覺精神湧識破人間夢皆因恬淡樂清和與物無私光
照遍山河 如今普勸修真眾莫待空無用一朝歸去恨身卑
悔不當時勤苦做修持

月上海棠

示眾

先師歸去功無量日赴千壇顯聖像化身千百暗中度人來往
休輕謗恐災禍臨頭怎向一時開化通無上廣集門生普供養

但持齋戒志心各懷歸仰虛空裏管有神明賜賞

踏雲行

贈長春宮道眾

智慧男兒聰明上士修真幸遇先師指葆光殿閣對青山白雲
堪伴長春子 樂道明心勝看經史神仙籍上書名字大家勤
苦守靈蹤皇天肯負清高志

自詠

薄利虛名誰人能戒前頭路險猶貪愛惟予不敢著浮華中心
有願超三界 廣布慈風休生懈怠心懷忍辱常甯耐豁開心
地若虛空分明見箇真難壞

道藏輯要

葆光集

卷

胃集十
川〇三

又

暗地高真明加保佑白雲仙跡當成就吾門七祖鎮燕山金蓮
萬朵芬芬秀 眾會甯心道人長久同修清德過星斗他年功
滿去朝元先師應賜長生酒

又

靜裏喧喧鬧中寂寂靈源妙用誰能識兩般顛倒入虛無自然
顯箇真消息 氣過三關神遊八極綿綿來往無蹤跡此時休
歇罷參尋前程路上忘疑惑

讚師父仙體不朽

玉骨元清金丹已就長春不老何年朽圓成一性遍河沙遺骸

全體仍依舊 萬代稀逢一時罕有天涯門第來奔湊安居處
順慶真容焚香十萬連三晝

點絳脣

重九後五日作

體入虛空猶然未可爲憑據真空路氣神相聚現出陽神去
若遇知音此事堪分付君聽取莫生疑悞行滿天將護

又

聞說修行千差萬別難依據真空路何人得趣撒手堪歸去
行積無邊功要三千數心開悟逍遙雲步應過天仙舉

又

道藏輯要

葆光集

卅

胃集十

學道尋真甯心耐意搜求正刀圭柄羣真相慶一顆明珠瑩
照見元初認得頭和影神通聖內容清興物外閑吟詠

又

學道難成無明觸處生烟火招殃禍時光虛過生死如何趨
早悟前愆更不生人我還真箇時時明破下手修仙果

又

曄曄重陽素秋氣爽添清興仙歌詠黃華相稱朶朶如如性
小檻芬芳滿座人欽敬真清靜香風純正萬戶千門慶

暮春遊五華山繼先師韻

昨日春遊一行恰似乘鸞鳳知音共適懷心縱直入桃源洞

好向清溪閑聽琴三弄真歡動任他迎送管甚莊周夢

卜算子

玉虛觀夜境中師父令和都要奔波走卜算子仍易其名
曰北地樂

真性休空走二物長相守這些消息阿誰知便是無中有寶
鼎瓊花放玉戶金光透作箇清涼彼岸人清靜工夫就

賀聖朝

義州醮罷命郭志全講道德二篇

古宜緣重善根深種志士心堅感吾門洪教廣開緣共談論功
圓中宵不寐雲朋高會參透玄玄向五千文內契忘筌見自

道藏輯要

葆光集

圭

胃集十

已神仙

又

夜深人靜披衣閑坐琴聽無絃罷高談逸論默通玄任龜息綿
綿陰陽升降沖和四大骨壯神全抱元初一點行功圓看歌
舞胎仙

太平興國觀中秋賞月

海清山靜素秋光滿涼夜人圓恣開懷賞翫過三更更談論幽
玄圓明頓悟無私普照善行周全向今宵覺徹性皆通證陸
地神仙

一剪梅

依先師真人和移刺仲澤韻義州永和菴作

九九方終暖日陽春和崇義無夢天長十方三界恣遊行炎夏
還逢不覺秋霜 悟得真閑萬事忘自然佚樂心地清涼本來
一點縱寬舒散盡羣魔獨現威光

示眾復用前韻

外積陰功內固陽長春示眾此語偏長還能頓悟入無爲宿業
猶如赫日消霜 不假澄心六慾忘功成行滿越過炎涼騰騰
兀兀任西東覺徹人間且恁韜光

太平興國觀示眾

天賜平遙好歇心琳宮寂寂古柏森森清陰密鎖洞天幽聚落
道藏輯要

葆光集

圭

胃集十

相憐靜勝山林 清靜無爲孰得尋太平興國覓箇知音勸君
速悟莫遲疑言下承當賢聖加臨

寄蔚州道友

越過靈仙壺水傍西河餞送誠厚難忘未能款話便登程度嶺
嚴寒來意匆忙 幸得和平達道鄉渾源豐足諸事安康有人
東去寄新詞報與知音表我行藏

詠前高山

新得前高一簇山清虛洞府亘古仙壇皇天憐我苦奔馳佚我
年高教我開顏 暗謝高穹賜我閑松間石上斷了追攀忻然
自得樂無窮行也堪觀坐也堪觀

又

新得前高自發揚峯巒峭拔松檜成行道人歸計出紅塵碧洞
高眠無事牽腸 白髮垂垂兩鬢霜青松影裏描邈難粧往來
遊戲日當行也清涼坐也清涼

又

新得前高孰可知世間清絕詩筆難題朝元峯上試閑窺未赴
蓬萊先到瑤池 一派松風入耳吹仙音縹緲洞達幽微興來
策杖步雲溪行也相宜坐也相宜

述懷贈程老先生

學道無成天不慳虛名濫占實得應難從今志氣更重加東望
道藏輯要

葆光集

三

胃集十

都休不下西山 深謝知交忻崢間四時不闕助我衣衾有時
慶會上朝元功行雙全日赴千壇

述懷贈柳先生

一點靈明本寂然隨通隨感應赴諸緣頭頭認得這些兒動也
方圓靜也方圓 日用無私不着邊清虛消息此法堪傳指人
頓悟入無爲行也忘言坐也忘言

下山

爲愛前高自覺過天生阻隔不放沖和前頭何處道緣深無福
清閑有分奔波 老也功虧一任魔長春 我語慎勿蹉跎自來
達道學仙人功也無多行也無多

下手遲

義州醮罷勸眾

諸緣種種怎生休萬慮紛紛何日息情忘處諸緣頓了意滅時
萬慮俱畢 問君能有幾多時猶向人間弄智識還知恁麼便
迴光免使臨頭愁戚戚

昭君怨

泉州洞真觀書于東壁

節令重陽閑步直至武清南渡極日看嘉祥水茫茫 連日陰
沉微雨正在蘆花深處遊樂水雲間望西山

鳳棲梧

道藏輯要

葆光集

壽

胃集十

勸世

大教普聞天下轉返樸全真日用垂方便方便真慈清淨願心
通漸覺人情遠 上士高明容易勸既悟玄風早早忘知見世
事安能長久戀不如認證元初面